



04 FEB, 2020

## Perkasa PKS lahirkan usahawan Bumiputera



Utusan Sarawak, Malaysia

Page 1 of 2

# Perkasa PKS lahirkan usahawan Bumiputera

**ADENG IDRUS**

**LIMBANG:** Sektor Perusahaan Kecil Sederhana (PKS) di Sarawak terus diperkasa melalui berbagai kemudahan dan premis perniagaan disediakan untuk melahirkan usahawan bumiputera.

Timbalan Ketua Menteri, Datuk Amar Awang Tengah Ali Hasan berkata, PKS merupakan tonggak kekuatan pembangunan ekonomi negara selain menyediakan peluang pekerjaan.

Beliau menyatakan demikian pada Perasmian Anjung Usahawan Limbang semalam. Kerajaan Sarawak memberi fokus untuk memperhebat industri PKS dengan menyediakan kemudahan bermula kepada usahawan bumiputera.

Turut sama isteri Awang

Tengah, Datuk Dayang Morliah Datuk Awang Daud, Menteri Muda Pembangunan Usahawan dan Perusahaan Kecil dan Sederhana (PKS) Datuk Mohd Nardon Majais, Menteri Muda Pemodenan Pertanian, Tanah Adat dan Pembangunan Wilayah Datuk Dr. Abdul Rahman Ismail, Ahli Parlimen Limbang Hasbi Habibollah, Ahli Dewan Undangan Negeri (ADUN) Batu Danau Paulus Palu Gumbang, Setiausaha Tetap Kementerian Perdagangan Antarabangsa dan Industri, Terminal Perindustrian dan Pembangunan Usahawan, Sarawak, Datu Liaw Soon Eng, Ketua Pegawai Eksekutif Unit Peneraju Agenda Bumiputera (TERAJU) Mohamad Silmi Abdul Rahman, Residen Limbang Ir Ahmad Denney Ahmad



**SOKONGAN PADU...** Awang Tengah bersama Nardon, Dr. Abdul Rahman dan kenamaan lainnya yang terus memperkasa sektor PKS.

Fauzi dan Walikota Majlis Daerah Limbang Kaunselor Sufian Mohat.

Seterusnya, Awang Tengah yang juga Menteri Pembangunan Bandar dan Sumber Asli Kedua Sarawak memberitahu, Lim-

bang masih menjadi pilihan utama pembeli terutama dari Brunei membeli-beleh.

Oleh itu, golongan peniaga perlu memanfaatkan peluang yang di depan mata ini dengan menyediakan

produk berkualiti untuk menarik minat pembeli terutama produk tempatan.

Anjung Usahawan merupakan satu lagi inisiatif Kerajaan Sarawak untuk membela usahawan bumiputera mencebur aktiviti industri kecil dan sederhana.

Kemudahan yang disediakan di bawah Menteri Perdagangan Antarabangsa dan Industri, Terminal Perindustrian dan Pembangunan Usahawan, Sarawak itu penting berikutan peningkatan jumlah usahawan di daerah yang memerlukan kemudahan perniagaan untuk memasarkan produk mereka.

Anjung Usahawan berperanan sebagai pusat sehenti untuk menjual produk serta tempat untuk pemprosesan

dengan menyediakan ruang perniagaan selain tempat untuk mengadakan kursus dan seminar.


Awang Tengah berkata, pada masa ini banyak platform untuk mempromosikan produk terutama melalui media sosial.

Beliau menambah, Kerajaan Sarawak amat memahami masalah kekurangan premis perniagaan yang dihadapi golongan peniaga dengan menyediakan Anjung Usahawan melalui peruntukan pembinaan kemudahan itu di Sarawak.

Pada masa yang sama, Kerajaan Sarawak juga merancang untuk membina beberapa lagi Anjung Usahawan di Limbang serta estet industri di Limbang dengan kos RM30 juta.



**PENDIDIKAN AWAL...** Awang Tengah bersama-sama kanak untuk mendidik mereka menabung dan mengurus kewangan secara asas.



04 FEB, 2020

## Perkasa PKS lahirkan usahawan Bumiputera



Utusan Sarawak, Malaysia

Page 2 of 2

### SUMMARIES

LIMBANG: Sektor Perusahaan Kecil Sederhana (PKS) di Sarawak terus diperkasa melalui berbagai kemudahan dan premis perniagaan disediakan untuk melahirkan usahawan bumiputera. Timbalan Ketua Menteri, Datuk Amar Awang Tengah Ali Hasan berkata, PKS merupakan tonggak kekuatan pembangunan ekonomi negara selain menyediakan peluang pekerjaan. Beliau menyatakan demikian pada Perasmian Anjung Usahawan Limbang semalam. Kerajaan Sarawak memberi fokus untuk memperhebat industri PKS dengan menyediakan kemudahan berniaga kepada usahawan bumiputera.